

ցած հայեր կան, որոնց անունները և մականունները յայտնապէս ապացուցանում են նոցա հայկական ծագումից լինելը, մանաւանդ՝ Նարցինները, որոնք այժմ էլ ծածուկ քրիստոնէութիւն են անում: Ո՞վ այցելեց նրանց, ո՞վ հոգաց, մտածեց նորանց վերայ, ո՞ր քաջ հովիւը գնաց այդ կորուսեալ հօտերի ետեւից:

Ինտելլիգենցիան զգլում է գիւղացուց. նրա կեանքի թշուառութիւններից, կեղտից, ոչինչերից. սիրում է քաղաքների տաք տեղերը, հաճոյական կեանք, քնքոյշ ճաշակ:

Անորդի հայերը փախչում են աշխատութիւնից. հէնց աշխատութիւնից փախչելու համար է, որ դրանք անորդի են մնացել: Այդ մարդկային բարեմասնութիւններից զրկված արարածները սիրում են արծաթի յափշտակութիւն, գողութիւն. նրանք միայն մեռելաթաղներ են, պատրաստ պպղած մեռելահացի գլխին:

Սուտ են բոլորը. առանց գործի խօսքերը կեղծաւոր:

Համազգային հոգւոյ միաւորութեան մտքից դուրս այն ամենը, որ պատուաւոր ազնիւ անուններով միայն բեռնաւորուած մատչում է նորա սուրբ սեղանին. նա վարձկան է, նա գող է, նա աւաղակ է:

